

Monumento na Marinierskazerne



DIA 16 di februari 1942, 68 aña pasa, despues cu e submarino Aleman U-156 a lansa torpedo riba S/S Pedernales y S/S Oranjestad, capitan di e submarino, Gustav Julius Werner Hartenstein a sigui pabou pa e tankero "Arkansas" cu el a mira anteriormente mara na waf di Eagle. Aki e submarino a lansa tres torpedo riba e tankero. Un di e torpedonan aki a dal e tankero pero no mucho daño a wordo causa door cu e tabata bashi. E di dos torpedo a bay den fondo di lama y nunca mas a hay'e. E di tres torpedo a bay para riba e beach di Eagle sin cu a explota.

Segun Corporal Infanteria, Sr. Karel van Meeteren ta conta cu e mainta ey el a wordo instrui pa bay haci su patruya banda di lama for di Savaneta, Balashi pa e waf di Eagle. Manera nos sa cu e refineria di Eagle tabata duna su parti den e guerra aki. Aki Sr. van Meeteren a topa cu un hoben Sloterdijk. Ora nan a yega na e waf, Sr. Sloterdijk a dicidi di bay laba su mannan sushi cu e awa cu tabata bini for di e olanan di lama. Ora cu el a yega cerca di e lama el sinti un pida tubo pero no a preocupa pa motibo cu hopi tabata core for di e refineria. El a subi riba dje pa laba su mannan. Di ripiente el a bula y grita: "Hesu, ta un torpedo". E ora nan a realisa cu tabata un torpedo y nan a reporta esaki mesora. A dicidi cu inmediatamente mester dismantela esaki. Un peticion a bay pa Corsou pa manda expertonan Hulandes den dismantelacion di e tipo di armanan aki.

Sr. Bruno Bremer, un militar Arubiano, a bay aeropuerto pa busca cuatro militar Hulandes for di Corsou. Nan tabata Srs. Dirk Adrianus Cornelis de Maagd, Majoor torpedomaker; Pieter Joose, Luitenant ter zee 2^{de} klasse; Leonardus Kooyman, Marinier 1^{ste} klasse y Johannes Vogelenzang, Marinier 2^{de} klasse. Ora Sr. Bremer a topa cu nan el a bisa nan cu e ta bay hiba nan na Marinierskazerne pero enbes nan a bis'e pa bay na e beach di Eagle. Nan a bay unda e torpedo tabata situa. Prome cos cu nan a haci ora nan a baha for di auto tabata pa saca un potret di e torpedo. Un di e militarnan a saca un herment (un crescent wrench) y a bisa Sr. Bremer cu e por cuminsa los e schroefnan riba e torpedo. Sr. Bremer a sinta riba e torpedo y a cuminsa los dos schroef, mientras e Luitenant a cuminsa bisti un trahe di plastic. Siguiementee a sigui los e schroefnan. E pida cu nan tabata ocupa cu ne tabata mara na un cabuya pa wordo ranca. Mientrastanto tabata tin un truck flatbed cu tabata prepara pa ranca e pida ey.

E Luitenant a bisa cu e ta bay pone un dinamita bou di e torpedo pa bula esaki. Tur a core na un distancia di 1000 metro for di e luga. Ora e militar a pone e dinamita el a sende y e tambe a core bay para hunto cu e otro nan. Aparentemente nada no a pasa ora e dinamita a explota y solamente santo a spart tur caminda. Na e momento ey e Luitenant a bay busca un cabel pa rank'e. E momento cu el a pone e cabel, Sr. Bremer a cum-



insa cana bay pa e truck. Tur loke cu el a mira tabata manera un lamper, y no tabata sa si tabatin fatalidad, tur loke e tabata sa cu el a hay'e drumi den hospital cu su horeanan sangrando.

Sr. van Meeteren ta conta cu e momento cu e Luitenant a sacudi e torpedo pa separa e parti for di torpedo, el a explota. Tur cuatro militar Hulandes a muri al instante. Sr. Bremer y un otro di fam Kock cu tambe tabata ey, a sufri problemanan serio cu nan oido.

Sr. Mooi Franken, un Corporal di Infanteria, a conta cu el a caba di yega pa bisa e Commandant cu e mester regresa Corsou pa haya mas instruccion. Sr. Franken a yega na e porta zuid di Eagle y a mira Bremer bou di un tubo y Kock cerca di e beach y e ora el a tende

- 2 -

un teribel explosion. Ora e hendenan di Playa a mira tur e militarnan banda di beach, varios di nan a bay mira kiko tabata pasando. Fortunadamente nan no a ser permiti pa yega cerca.

Recientemente, tres sambuyado di e chapaleta di S/S Oranjestad, Srs. Dick de Bruin, Toine van der Klooster y Andre Loonstra a saca un anker banda di e mesun luga aki cu e meta pa instal'e como un monumento na Marinierskazerne pa honra y recorda e cuatro militar Hulandes cu a perde nan bida.

Srs. Kooyman, Vogelenzang,

eld Loenen, vak A, nummer 653, 654, 655, y 656, respectivamente.

Den number di Commandant Edwin Hofma, nos kier extende un invitacion na tur medio di prensa y nos invitadonan pa bin comparti e evento historico aki cu nos dia 18 di februari proximo, pa 10'or di mainta, na Marinierskazerne na Savaneta. Su presencia lo ta altamente aprecia.

Dufi Kock
Anchor Project Committee
Savaneta 125-F
Tel: 584-1201
Cel: 592-9417